

ԱՐՁԱՆԱԳՐՈՒԹՅՈՒՆ ԹԻՎ 40-1/02

ք. Երևան, Արշակունյաց 5.417 սենյակ

05.04.2019թ. ժամը 14:30

Համաձայն «ՍԳԿԿ» ԻԿԿ-ում 20.02.2019թ-ին ստացված, «Էյչ-Էս-Բի Սի Բանկ Հայաստան» ՓԲԸ-ի դիմում- բողոքի հետագա ընթացքը ապահովելու նպատակով, «Բյուրակն» ՍՊԸ-ի սնանկության գործով կառավարիչ՝ Ռուբեն Խալաթյանի գործողությունների /անգործության/ փաստերի նկատմամբ, վերահսկողության գործառույթի պատշաճ իրականացման նպատակով, կառավարչի վարքագծի վերաբերյալ կարգապահական վարույթ հարուցելու և դիմումում արժաժված հանգամանքների վերաբերյալ պարզաբանումներ ստանալու համար՝ ս/թ-ի Ապրիլի 05-ին, 14-00-ին՝ ք. Երևան, Արշակունյաց 5 հասցեում, հրավիրված «ՍԳԿԿ» ԻԿԿ Կարգապահական հանձնաժողովի հետաձգված նիստին.

ԾԱՆՈՒՑՎԱԾ ԷԻՆ՝

Հանձնաժողովի անդամ՝ Հարություն Գևորգյանը
Հանձնաժողովի անդամ՝ Հենրիկ Մարտիրոսյանը
Հանձնաժողովի անդամ՝ Արմենակ Ադամյանը
Դիմումատու՝ «Էյչ-Էս-Բի Սի Բանկ Հայաստան» ՓԲԸ-ն
«Բյուրակն» ՍՊԸ-ի սնանկության գործով կառավարիչ՝ Ռուբեն Խալաթյանը

ՄԱՍՆԱԿՑԵՑԻՆ՝

Հանձնաժողովի Նախագահ՝ Տիգրան Հարությունյանը
Հանձնաժողովի անդամ՝ Հարություն Գևորգյանը
Հանձնաժողովի անդամ՝ Արմենակ Ադամյանը
Հանձնաժողովի անդամ՝ Հենրիկ Մարտիրոսյանը
«Բյուրակն» ՍՊԸ-ի սնանկության գործով կառավարիչ՝ Ռուբեն Խալաթյանը
Դիմումատու՝ «Էյչ-Էս-Բի Սի Բանկ Հայաստան» ՓԲԸ-ի լիազորված ներկայացուցիչներ՝ Հայկ Թունյանը և Անահիտ Գևորգյանը:

ՕՐԱԿԱՐԿՈՒՄ

1. «ՍԳԿԿ» ԻԿԿ-ում 20.02.2019թ-ին ստացված, «Էյչ-Էս-Բի Սի Բանկ Հայաստան» ՓԲԸ-ի դիմում- բողոքի հետագա ընթացքը ապահովելու նպատակով, «Բյուրակն» ՍՊԸ-ի սնանկության գործով կառավարիչ՝ Ռուբեն Խալաթյանի գործողությունների /անգործության/ փաստերի նկատմամբ, վերահսկողության գործառույթի պատշաճ իրականացման, բողոքում նշված փաստական հանգամանքների քննության և սնանկության գործով կառավարչի վարքագծի վերաբերյալ, կարգապահական վարույթ հարուցելու հարցը:

ԼՍԵՑԻՆ՝

Մինչև օրակարգի հարցի քննարկման անցնելը հանձնաժողովի անդամ՝ Ռ. Խալաթյանը առաջարկության համար ձայն վերցրեց և ներկայացնելով այն փաստը, որ օրակարգում ընդգրկված է իր, որպես սնանկության գործով կառավարիչի՝ վարքագծերի վերաբերյալ հարցի քննարկում, ինքը որպես հանձնաժողովի անդամ ինքնաբացարկ է հայտարարում և առաջարկում է քվեարկությունը կազմարպել առանց իր ձայնի:

Նիստի մասնակից հանձնաժողովի անդամները քննարկեցին ինքնաբացարկը, ընդունեցին այն ճիշտ և նիստի վարման կանոնակարգին համապատասխան ու հարցը դրեցին քվեարկության՝

ՔՎԵԱՐԿՈՒԹՅՈՒՆ

Կողմ - 4

Դեմ - 0

Ձեռնպահ - 0

ԼՍԵՑԻՆ-Կարգապահական Հանձնաժողովի նախագահ Տիգրան Հարությունյանը բացեց նիստը՝ ստուգեց նիստի մասնակիցների ինքնություն և կանոնակարգի համաձայն դիմում-բողոքը ներկայացնելու համար ձայնի իրավունք տվեց՝ «Էյ-Էս-Բի Սի Բանկ Հայաստան» ՓԲԸ-ի լիազորված ներկայացուցիչ՝ Անահիտ Գևորգյանին, ով ներկայացրեց դիմում-բողոքը և մասնավորեցրեց, որ կառավարչի գործողությունները վճարման ժամկետների մասին կնքված պայմանագրի հետ կապված, չէն համապատասխանում օրենքներին և դրանով կառավարիչը թույլ է տվել կարգապահական խախտում, որի համար իրենք կարծում են, որ կառավարիչը պետք է ենթարկվի համապատասխան պատասխանատվության:

Հանձնաժողովի անդամ՝ Հ. Մարտիրոսյանը հարց ուղղեց դիմումատուի ներկայացուցչին առ այն, որ իրենք ծանոթացել են արդյոք կառավարչի առարկություններին և Դատարանի 13.02.2019թ-ի որոշմանը: Ներկայացուցիչը պատասխանեց, որ առարկություններին ընդհանուր առմամբ ծանոթ են, մասնավորապես այս դիմումին ներկայացված առարկությանը ծանոթացան արդեն, ծանոթ են նաև դատարանի՝ հիշատակված որոշմանը, որին իրենց առարկությունները կներկայացնեն օրենքով սահմանված կարգով:

Իր առարկությունները ներկայացնելու համար Հանձնաժողովի նախագահ՝ Տ. Հարությունյանը ձայնի իրավունք տվեց՝ «Բյուրակն» ՍՊԸ-ի սնանկության գործով կառավարիչ՝ Ռուբեն Խալաթյանին ով ներկայացրեց առարկությունները և մասնավորեցրեց ՀՀ Սնանկության դատարանի 13.02.2019թ-ի ԵՇԴ/0046/04/13 որոշմամբ հաստատված այն փաստը, որ,

- Ինչ վերաբերվում է ՀՀ քաղաքացիական օրենսգրքի 451-րդ, 453-րդ, 454-րդ և 459-րդ հոդվածների, Սնանկության մասին ՀՀ օրենքի 29-րդ հոդվածի վկայակոչմանը, աճուրդի պայմաններում չներառված պայմանով պայմանագրի կնքմանը, ապա հարկ է ևս մեկ անգամ նշել, որ պայմանագրի գնի վճարման ժամկետը պայմանագրի էական պայման չի հանդիսանում և դրա չներառելը աճուրդի պայմաններում իրավաչափ է:

Հանձնաժողովի նախագահ՝ Տ. Հարությունյանը նշեց, որ ներկայացված դիմումից պարզ է դառնում, որ դիմումատուն հիմնականում հիմք վերցնելով «Հրապարակային սակարկությունների մասին» ՀՀ օրենքի 8-րդ հոդվածի 1-ին մասի 5-րդ կետի վերջին «...ինչպես նաև էական այլ պայմաններ» բառակապակցությունը, ըստ դրա արդեն հղում է կատարում՝ ՀՀ Քաղաքացիական օրենսգրքի 502-րդ հոդվածի 2-րդ մասին և արդեն լոտի գնի վճարման ժամկետ սահմանելով ըստ օրենսգրքի և դա համարելով «էական» պայման:

Հանձնաժողովի նախագահին պարզաբանեց, որ այս դեպքում դիմումատուն ճիշտ չի մեկնաբանում ՀՀ Քաղաքացիական օրենսգրքի 502-րդ հոդվածը, քանի որ նրա առաջին մասով - 1. Գնորդը պարտավոր է վճարել ապրանքի համար այն վաճառողից ստանալուց ամիջապես առաջ կամ հետո, եթե այլ բան նախատեսված չէ սույն օրենսգրքով, *այլ օրենքներով*, իրավական ակտերով կամ առուվաճառքի պայմանագրով և չի բխում պարտավորության էությունից:

Այս մասնավորեցված դեպքում այլ «Հրապարակային սակարկությունների մասին» ՀՀ օրենքի 18-րդ հոդվածը՝ «Լոտի գնի վճարումը» սահմանում է վճարման կարգ, ուստի Քաղաքացիական օրենսգրքի 502-րդ հոդվածը չի գործում և նրան հղում կատարելու փոխարեն դիմումատուն պետք է սնանկության գործով կառավարիչը պետք է առաջնորդվեն 18-րդ հոդվածի սահմանած կարգով, այն է՝

1. Աճուրդի մասին հրապարակային ծանուցմամբ, աճուրդի արդյունքների մասին արձանագրությամբ *կամ պայմանագրով այլ ժամկետ սահմանված չլինելու դեպքում* աճուրդում հաղթող ճանաչված մասնակիցն աճուրդի արդյունքների մասին արձանագրության ստորագրելու օրվանից տասն օրվա ընթացքում պարտավոր է վճարել լոտի գինը՝ հաշվանցելով մուծված նախավճարի գումարը:

Դիմումին կից փաստաթղթերի ուսումնասիրությունից պարզվում է, որ կառավարիչը և աճուրդում հաղթողը լոտի գնման գնի վճարման կարգը և ժամկետները որոշել են 10.01.2019թ-ին կնքված առանձին պայմանագրով, որը ըստ էության համապատասխանում է «Հրապարակային սակարկությունների մասին» ՀՀ օրենքի 18-րդ հոդվածի 1-ին մասին:

Հանձնաժողովի նախագահին առաջարկեց կարճել կարգապահական վարույթը սնանկության գործով կառավարչի կողմից կարգապահական խախտում չկատարելու պատճառաբանությամբ:

Հանձնաժողովի անդամները քննարկեցին դիմումում նշված հանգամանքները ուսումնասիրեցին ներկայացված փաստաթղթերը և առարկությունները, տվեցին և ստացան համապատասխան հարցեր և արդյունքում համաձայնելով նախագահի առաջարկին:

Հանձնաժողովի անդամ՝ Հ. Մարտիկյանը մույնպես համաձայնելով այդ մտքի հետ նշեց որ այնուամենայնիվ դիմումը ինքնին արդեն կասկած է հարուցում կառավարչի կատարած գործունեությանը, չնայած այն փաստին որ կատարվել է օրենքի տառին համապատասխան գործողություններ, որը չի նպաստում կառավարիչների նկատմամբ վստահության ձևավորմանը: Այդ նպատակով այս դիմում պահանջի 2-րդ կետի առաջարկի հիմքով, որպեսզի հետագայում, նաև այլ գործերում և այլ կառավարիչների գործողություններում հստակեցում, ավելի հրապարակայնություն և թափանցիկություն ապահովվելու նպատակով, առաջարկել «ՍԳԿԿ» ԻԿԿ Դիտորդ Խորհրդին ընդունել կարգ, եթե կառավարիչը ունի մտադրություն վճարումը տարածամեկտեղ, ապա այդ հնարավորության մասին տեղեկատվություն մտցնել աճուրդ հայտարարության մեջ պարտադիր կարգով:

Հանձնաժողովի անդամները համակարծիք եղան առաջարկներին և քվերկեցին:

ՔՎԵԱՐԿՈՒԹՅՈՒՆ՝

Կողմ - 4

Դեմ - 0

Չեռնալահ - 0

ԵԶՐԱԿԱՅՈՒԹՅՈՒՆ՝

1. «ՍԳԿԿ» ԻԿԿ-ում 20.02.2019թ-ին ստացված, «Էյչ-Էս-Բի Սի Բանկ Հայաստան» ՓԲԸ-ի դիմում-բողոքի հետագա ընթացքը ապահովելու նպատակով, «Բյուրակն» ՍՊԸ-ի սնանկության գործով կառավարիչ՝ Ռուբեն Խալաթյանի գործողությունների /անգործության/, գործողությունները օրենքներին և կանոնակարգերին համապատասխանության, նշված փաստական հանգամանքների քննության և սնանկության գործով կառավարչի վարքագծի վերաբերյալ հարուցված կարգապահական վարույթը կարող է կարճվել «Սնանկության գործով կառավարիչների մասնագիտական վարքագծի Էթիկայի» կանոնների խախտման դեպքի /մեղքի/ բացակայության պատճառաբանությամբ:

Միջնորդել «ՍԳԿԿ» ԻԿԿ Դիտորդ Խորհրդին որպեսզի ընդունել կարգ հետագայում, նաև այլ գործերում և այլ կառավարիչների գործողություններում հստակեցում, ավելի հրապարակայնություն և թափանցիկություն ապահովվելու նպատակով՝ եթե կառավարիչը ունի մտադրություն վճարումը տարածամեկտեղ, ապա այդ հնարավորության մասին տեղեկատվություն մտցնել աճուրդ հայտարարության մեջ պարտադիր կարգով:

2. Սույն Եզրակացությունը սահմանված ժամկետում ներկայացնել Դիտորդ Խորհրդին՝ հետագա որոշում կայացնելու նկատառումով:

Հանձնաժողովի Նախագահ՝ Տ. Հարությունյան

Հանձնաժողովի անդամ՝ Ա. Ադամյան

Հանձնաժողովի անդամ՝ Հ. Մարտիկյան

Հանձնաժողովի անդամ՝ Հ. Գևորգյան